



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

**Epistolarvm Innocentii III. Romani Pontificis Libri Vndecim**

**Innozenz <III., Papst>**

**Parisiis, 1682**

Missino Fvndatori Et fratribus leprosorum de Missino.

**urn:nbn:de:hbz:466:1-20020**

necnon etiam pro stipendiis militum devolvantur, sine quibus terra memorata non posset contra Scelavorum impetum gubernari fidem catholicam impugnantium vel ecclesiasticam unitatem, aut terram ipsam occupare volentium, pro eo quod patres eorum, cum essent pagani, per eundem Marchionem vel progenitores ipsius ab ea fuerunt potenter ejecti, tertia verò pars integra persolvatur Ecclesia construenda, quam idem Marchio competenter dotabat, ut in ea duodecim Canonici commodè possint cum suo Præposito defervire, qui pro tempore canonice debeat præsentari per eum ac successores ipsius, & per solum Romanum Pontificem aut ejus mandato per alium confirmari, ac denique confirmatus gerat administrationem temporalium, quæ poterunt administrari per ipsum in Ecclesiis constructuendis in terra predicta; alia verò spiritualia, quæ officium episcopale requirunt, idem Præpositus exigat & obtineat à quocunque maluerit Episcopo apostolice sedis gratiam obtinente. In recompensatione autem decimarum illarum, quæ, sicut superius est exprestum, ad præfatum Marchionem & heredes ipsius pro Ecclesia fabrica & stipendiis militaribus devolventur, de singulis quinquaginta mansis unam marcam puri argenti nobis & successoribus nostris facient idem Marchio & successors ejus annuatim exolvi. Licet igitur petitionem suam providerimus admittendam, volentes tamen absque gravi alieno præjudicio pium ejus propositum promovere, cum & hoc dilectus filius procurator venerabilis fratris nostri Brandenburgensis Episcopi acceptaverit in nostra præfentia constitutus, discretioni vestra per apostolica scripta præcipiendo mandamus quatinus inquisita diligenter & cognita veritate, si terram illam esse constiterit solitariam aut desertam, maximè quod non sit in memoria hominum illam fuisse per Christicos habitatam, sed paganos habitatores inde fuisse depulso in memoria hominum tenetur, recipiatis appellatione remota fundum in jus & proprietatem Romanæ Ecclesie vice nostra, in quo hujusmodi Ecclesia construatur, ac super solemini ejus concessione publico instrumento confecto, & ad opus ejus dotibus competentibus assignatis, tribuat auctoritate nostra suffulti liberam facultatem præfatam Ecclesiam construendi ab omni prorsus onere jurisdictionis episcopalis exemptam, & in jus & proprietatem apostolicae sedis perpetuo re-

mansuram; ita quod in recompensationem duarum partium decimarum quæ causa præscriptæ necessitatis dimittentur Marchioni jamdicto, prælibati census concessionem recipere procuretis, ut de ipso per nostram providentiam disponatur sicut fuerit disponendum. Quod si non ambo his exequendis volueritis vel valueritis interesse, alter vestrum ea nihilominus exequatur. Datum Laterani vii. Kal. April. anno tertiodecimo.

*MISSINO FUNDATORI ET  
fratribus leprosorum de Missino.*

**S**olete annuere sedes apostolica plus votis & honestis potentium precibus favorem benevolum impertiri. Eapropter, dilecti in Domino filij, vestris iustis precibus inclinati, domum hospitalis de Missione ad exemplar felicis recordationis Celestini Papæ prædecessoris nostri in ius & proprietatem beati Petri cum omnibus bonis quæ in præsentiarum rationabiliter possidet, aut in futurum iustis modis præstante Domino poterit adipisci, sub beati Petri & nostra protectione suscipimus. Specialiter autem terras, domos, silvas, & quicquid in Faventino, Forolivensi, & Imolensi episcopatibus idem hospitale habere dinoscitur, sicut ea omnia iuste ac pacificè possidet, vobis & per vos eidem hospitali auctoritate apostolica confirmamus & præsens scripti patrocinio communimus. Ad indicium autem hujus perceptæ à sede apostolica libertatis sex denarios obulisti tu, fili Missione, præfato prædecessori nostro ejusque successoribus annualiter persolvendos, quos pietatis intuitu nos misericorditer relaxamus. Decernimus ergo ut nulli omnino hominum licet hanc paginam nostræ protectionis & confirmationis infringere vel ei &c. usque incursum. Datum ut in alia per totum.

*ELECTO ET CAPITVLO  
Coronensi.*

**I**ustis potentium desideriis dignum est nos facilem præbere consensum, & vota quæ à rationis tramite non discordant effectu prosequente complere. Eapropter, dilecti in Domino filij, vestris precibus inclinati, remissionem crusticæ à nobili viro Gaufrido de Villa Arduini Principe Achiae pietate provida vobis factam auctoritate apostolica confirmamus & præsens scripti patrocinio communimus. Nulli ergo omnino hominum licet hanc paginam nostræ confirmationis &c. usque incursum